

# **Aṅwà'ànè Paul yî àyòntè a mbô ṅghòtê BaTESALONIKA**

## *NJI'INNŪ ANWÀ'ANƏ YŪ*

A aṅwà'ànè yû aa a le ṅṅwà'ànə Paul. Kaa àgha'a a le ṅwa'à sà'àtè a ajàṅ mə à le ṅṅwà'ànə a yi ntsyambïi ya a mbo baTesalonika aà. A le ṅṅwà'ànè aa a ntsisə ìforinə innù jïi mə i le mbù ñzi ṅkuu mbuurə nî innù jïi mə à le ndi'ì a mbo baTesalonika a nî ṅwà'ànè yî ntsyambïi ya aa.

BaTesalonika le si foonsə nî ànnù ya yïi mə Paul yumbəṅ à le ndi'ì nlon ànnù ajàṅ mə Kristo à ka yî bû bìi aa, bo bì innù jï mɔ'ò (2.5,15; 3.6-10). A bə tsö bo le ṅkwerə aṅwà'ànè yî mɔ'ɔ, ṅwa'atə ni mə a le nlò aa a mbo Paul, la a bē mbwe'esè (2.2). Aṅwà'ànè ma yû a ghirè bo wa'atə ni mə nòò ñzi Kristo wa mə Paul à le si swonə aa, à kù'ù mē. Ma mùu ajàṅ, bo bî mɔ'ɔ bì ma'atè mifà'á myaa ntigə nləgilə ṅkarə tsö mə bo le ntigə ṅwa'atə ni mə nòò ñlwï'ï mbi à kù'ù mē aà (3.6,11)! Ma yû a burè ntsanə! Paul a ṅwa'anè ñnanşə wa'asə waa (3.6,14,15), ndi'itə waa mə tâ bo lwi'ì a mûm innù jya jïi mə yu le ndi'ì a mbo bo aà, ṅka ṅe'esə nî waa (2.15; 3.7-10). ṅwa'atə ni a mbo bo annù ya yïi mə à le nte'ε mfoo nswon nlon ajàṅ yïi mə a ku'unə a ṅka mfà'à nîti aà, bεε ṅù a tuu mfà'a a tsuu ki ji (3.10)!

Paul à le ntigə nto'otə a mbo bo a ajàṅ mə mbə bì zî noò ñlwï'ïnjim wa aà. Ṅghirə mə tâ bo zi

innù j̄i i ka ȳi ki d̄i'ì m̄ə Njw̄i Mmà'àmbi yâ ì ka m̄ə aa koont̄ə aà (2.1-12). Nù m̄bu'u innù j̄i bi wa à ka ȳi f̄ò z̄i ya'a, i ki bwe'es̄ə n̄i m̄bi n̄i innù j̄i ȳeyer̄ə bo bì innũtsyâmbo j̄i b̄i (2.9-2).

Ka m̄ə bi le mbwe'es̄ə baTesalonika aa, ñghòt̄ə ya i le mbur̄ə ka ki yòh̄ə n̄i Kristo n̄i ñt̄i waa ts̄im̄ə. Paul a bur̄ə ka ki dorit̄ə nlon ñgaà yàà. Ab̄iint̄i yaa a le si nan̄s̄ə ñkwe, bo bur̄ə ka ki kòh̄ə n̄i waa bo ni bo (1.3,4). Paul a swon̄ə ni a mbo bo m̄ə tâ bo ka ntsa'at̄ə n̄i Nw̄i ñwa'at̄ə nii ñk̄i nlon ni m̄ə tâ Nw̄i à gh̄ir̄ə tâ ñghàà ni n̄i k̄i ñwan̄s̄ə ns̄èñè ñgh̄e ts̄ó aj̄an̄ ȳi m̄ə ni le ñgh̄è a tit̄i bo aà (3.1-2). Paul à le si tiḡə ñk̄i ntsa'at̄ə n̄i Nw̄i a at̄u ñghot̄ə ya m̄ə tâ Nw̄i ȳi m̄ə a l̄ə ñkà'á ȳi aaa, tâ à ka mbe n̄i waa, m̄fa n̄i ñjoò ts̄im̄ j̄i m̄ə i ka gh̄ir̄ə bo ka ñkwe ñgh̄e n̄i m̄b̄i a m̄m̄ àb̄iint̄i bo bì a n̄i àfà'à Nw̄i aà (1.11-12; 2.16-17; 3.3,16).

Bi yat̄ə àñwà'àn̄ə ȳu aa laà:

1. Nj̄i'innũ àñwà'àn̄ə yuà 1.1-2.
2. Aj̄an̄ m̄ə Paul à le mbeent̄ə waa ntiḡə ñgha'as̄ə n̄i Nw̄i aà 1.3-12
3. Adi'it̄ə nlon annũ aj̄an̄ m̄ə Mmà'àmbi à ka ȳi b̄u z̄i aà 2.1-17
4. Adi'it̄ə m̄ə bi ka nzi akòr̄ə niz̄i yaa a mum Kristo 3.1-16
5. Innù j̄i m̄ə Paul à le nswon̄ə a nlw̄i'is̄ə 3.17-18

<sup>1</sup> Àñwà'àn̄ə ȳi m̄ə a lo a mbo Paul ni Silas ni Timoti ñgh̄e ni mbo bè bì Nw̄i Taà ȳiin̄ə ni Mmà'àmbi Yesu Kristo m̄ə bi tswe a ndânw̄i a Tesalonika aà.

<sup>2</sup> Tâ ìbòṅ nî m̀b̀òònè ỳi m̀e i lo mbo Taà ỳ'ìnè Nwĩ bo bì M̀m̀à'`ambĩ kristo aa, tâ ì tswe a mbo bù.

*Annũ ntsɔ'ɔtə m̀isa'a a noò ỳi m̀e Yesu Kristo à ka ỳ bũ zĩ aà*

<sup>3</sup> Bìlĩm bá, a ku'unə boṅ bi'i fa mbi'ikə a mbo Nwĩ a ṅɔ̀ṅ b̀ìnòò b̀itsim ǹloṅ ṅkwitũ ghuu, ṅloṅ m̀e àb̀iintì yuu a nanse ṅkwe tsi'ĩ sigìnè, àkòṅnè ỳi m̀e ni kòṅnè ghuu bu ni bù ghu aa, a kii ṅghɛ nĩ m̀b̀ĩ. <sup>4</sup> Ma mùu ajàn, bi'i tigə ntərə nĩ yi'i nloṅ ṅgaa yùu a mbô ṅghòtə Nwĩ jĩ m̀ɔ'ɔ nloṅ m̀e ni tswá àb̀iintì yuu a tiì, ntswe a m̀m̀ ṅgi'i ỳi m̀e ni yə, bo bì ajàn ỳi m̀e bi tsɔ'ɔ nĩ àkòrè yuu aà.

<sup>5</sup> Ma yũ a d̀i'ì ni m̀e ajàn ỳi m̀e Nwĩ a tsɔ'ɔtə m̀isa'a aa, a tsinê, ma mùu ajàn, nĩ ka ỳ kii kù'unə a ṅkuu a m̀m̀ ànnù nifò Nwĩ ỳi m̀e ni yə nĩ ṅgi'i ghu aà. <sup>6</sup> A ni aa tsi'ĩ ànnù ỳi m̀e a ku'unə a ṅghìrə aà, ajàn m̀e Nwĩ à kà'a m̀e yu ka ỳ niṅ ṅgi'i a nu bè b̀i m̀e bi ghìrè nĩ yê nĩ ṅgi'i aà, <sup>7</sup> i b̀aṅnə ghìrə tâ bù b̀i ni yə ṅgi'i aa, ni bi'ĩ, tâ b̀i'ìnè fwetə wá noò m̀e M̀m̀à'`ambê Yesu à ka ỳ lɔ̀ aburə i sigə bo bì baangel bi b̀i wè a m̀m̀ ǹlwà m̀ɔ'ɔ tâ bì yə aà. <sup>8</sup> A ka ỳ sigə aa, aṅkwi'inê ànnu, a ṅniṅ ṅgi'i a nu bè bya m̀e kaa bi s̀i Nwĩ zi, bo bì a nu bya b̀i kaa bi s̀i ntoò M̀m̀à'`ambĩ Yesu ya yu'unə aà. <sup>9</sup> ṅgi'i ỳi m̀e Nwĩ à ka ỳ niṅ a nu bo aa, i ka ỳ b̀e aa ajàn m̀e à ka ỳ bwesə waa ṅgaa ỳ m̀ɔ'ɔ, i k̀ìṅ waa m̀e tâ bi yi ṅwa'a a mbɛ M̀m̀à'`ambi bo bì a m̀m̀ ǹgha'à ni nĩ wè koontè, <sup>10</sup> wa njwi m̀e à ka ỳ zĩ a ṅkwerə ǹgha'à ni bo bì àghu'usè a mbo bè bi,

a mbo bè b̀̀tsim b̀̀i m̀̀ b̀̀i bii yi aà. Ǹ̀ ka ỳ̀ kii b̀̀ b̀̀ b̀̀ b̀̀ m̀̀'c a t̀̀i bo maa njẁ̀ nloŋ m̀̀ ǹ̀ l̀̀ mbii ntoò ya m̀̀ b̀̀' i l̀̀ nzi ǹ̀ yu a mbo bù aà. <sup>11</sup> A b̀̀ ñj̀' i ànnù ỳ̀i m̀̀ b̀̀' i tsà' àtè ǹ̀ Nẁ̀i a ñgòŋ b̀̀nòò b̀̀tsim ñwa' atè ǹ̀ ghuu ghu aà, m̀̀ tâ Nẁ̀iŋgòŋ ỳ̀' inè à ghìrè ghuu tâ ǹ̀ ku' unè ǹ̀ b̀̀ b̀̀i m̀̀ à twõŋ aa, ñki ñghìrè m̀̀ ìnnù j̀̀i sigìnè j̀̀i m̀̀ ǹ̀ kà' a m̀̀ ǹ̀ ka k̀̀ ghìrè a mùm àb̀̀int̀̀i aa, tâ à fa a mbo bù a ñjim m̀̀dà' a mi. <sup>12</sup> Ma mùu ajàŋ tã ghìrè m̀̀ tâ Ìkum Yesu Kristo tâ ì tswe ǹ̀ ñgha' a a mbo bù, tâ ǹ̀ k̀̀ ñkwèrè ñgha' a ghu mbo, a ñjim àb̀̀ŋənt̀̀i Nẁ̀iŋgòŋ ỳ̀' inè ab̀̀' c Mmà' àmb̀̀i Yesu Kristo.

## 2

### *Ngàŋkibàà wà*

<sup>1</sup> Ngheè ǹ̀ àjàŋ ỳ̀i m̀̀ Mmà' àmb̀̀i Yesu à ka ỳ̀ bú mb̀̀i tâ b̀̀' inè ghotè a mboo yi aa, b̀̀' i bu' u mbo a mbo bù mb̀̀ bilim b̀̀' i, <sup>2</sup> ǹ̀ tsuu mmà' àtè m̀̀ tâ ìzwi ji m̀̀' c k̀̀ ñghàà ǹ̀ tsu m̀̀ ǹ̀ kwèrè, k̀̀ àŋwà' ànè ỳ̀i m̀̀ b̀̀i swoŋ m̀̀ a lo a mbo b̀̀' i ñswoŋ ǹ̀ m̀̀ Njẁ̀i Mmà' àmb̀̀i ya ì z̀̀i m̀̀ aa, tâ à waŋsè mbùrè m̀̀tsyè muu, k̀̀ ñkii ntsigè m̀̀nt̀̀i muu b̀̀. <sup>3</sup> Ǹ̀ tsuu mà' àtè m̀̀ tâ ñu a bwe' esè ghuu a ǹ̀ m̀̀ǹj̀ ỳ̀ tsù; ñloŋ m̀̀ kaa Njẁ̀i Mmà' àmb̀̀i ya kaa mb̀̀ i wa' à z̀̀i t̀̀i ghê nòò at̀̀i atu wa m̀̀ b̀̀ ka k̀̀ tuu Nẁ̀i aa, à fòò m̀̀ ñzi. Tã ñu wa ỳ̀i a si ǹ̀ŋsè Nẁ̀i ləə, yu wa ỳ̀i a tigè ñghèè a mbwè aa, tâ à k̀̀ m̀̀fè' è ǹ̀ ñsi ǹ̀ ñs̀̀i. Yu wa ỳ̀i m̀̀ Nẁ̀i à kà' à m̀̀ m̀̀ yu ka ỳ̀ tsə ñg̀̀' i ghu nu aà.

4 A ni yu wa yïi mæ à ka yï ki to nî Nwî i tigə ηηεε nî ìbiinû yï mæ yu tsyatə ñjoò tsim jïi mæ bi twonə ni bìnwĩ, kə mæ bi mii aà. A ghìrə maa ajàn aa a bāñnè ñtigə nligə aləñə yi a ndāmà'a Nwî ñtigə nswonə ni mæ yu mbə aa Nwĩ. 5 Nì si wa'atə mæ à ni annù yïi mæ mè le nswon a mbo bù wa noò mæ bĩ'inè le ntswe aa ε? 6 Tsĩtsòñ nì zĩ ànnù yïi mæ a tswa nî ñgàñkibàa Nwĩ ghú mæ tâ à tsuu zĩ aà. A yu'utə aa noò yïi mæ Nwĩ à kà'à mē ñləə mæ tâ à fε'ε nî ñsi nì ñsi aà. 7 Wa Ifà'a ñù atitù maghú, i tē'è mē ñloginə nî àlò'òsè. A ki mbə tsi'ĩ yu wa mæ a kñjə yi aa mæ a ghìrə mæ tâ à tsuu fē'è nî ñsi nì ñsĩ i ywe'e a noò yï mæ yumbəñ à ka yï lò yi aà.

8 Maa noò mæ à ka yï tigə fε'ε nî ñsi nì ñsi aà, tâ Mmà'àmbi Yesu Kristo à zwitə yi nî àzwĩ ntsù yi, ñtsə ñgi'i ghu nu ni ñgha'à ni wa noò mæ à ka yi fε'ε aà, 9 Nòò ñzĩ ñgàñatitù maghú à ka yï kù'ù aa, tâ mifà'à mæ Satan tâ mì ka ηghεε nî m̀bĩ tsi'ĩ nì m̀tì mĩ wè, tâ ìlènsə mbwe'esə bo bì ìnnù jĩ yēyērə mbwe'esə i ka mfε'ε. 10 Ìnnũ jĩ bi i ka yï ki fē'ε bwe'esə aa bè bii mæ bi tswe nì mbwe aà, ñlon mæ bo le ntuu a ñkòñê ànnù ñikon ta yweenə aà. 11 Ma mùu ajàn, Nwĩngòñ a toò nî àfèsè yĩ tìi mæ tâ bo ka mbii nî ìnnù jïi mæ à ni àbāñnənnù. 12 A ghìrə maa ajàn aa mæ tâ bè bii mæ bi si annù ññkon bii, mbañnə ñkòñè nî ñghìrè ìnnù jïi mæ kaa i sì tsinè aa, tâ bì yï ñkuu isa'à.

13 La bĩ'ĩ tswe nì ñka mfa miyà a ñgòñ bìnòò bĩtsim ñlonə ghuu, bilim bĩ'i bii mæ Mmà'àmbi à kòñə aà, ñlon mæ Nwĩngòñ à le ntso'ɔ ghuu

nloginə aa tsi'í a nlògìnê, mə tâ nì yi nyweenə, ntsya ni ajàn yíi mə Azwí Nwí a si'i ghuu mə nì laa, bo bì àjàn yíi mə ni bii nî ànnù nîŋkoŋ aà. <sup>14</sup> A nî nji'í ànnù yíi mə à le ntwoŋə ghu ntsya aa a nĵim n̄toò yí'í yí n̄sigìnə ya, mə tâ nì yí ŋkwere n̄gha'a ni Mmà'àmbi yí'inə Yesu Kristo. <sup>15</sup> Mbèe mə a bə ma mùu ajàn aa mba bilim mbá, nì tə ntii nî ìnnù ĵii mə bí'í le ndi'ì a mbo bù ñloŋə Kristo yíi mə bí'í le nswon bə nì n̄tsù, kè ñwa'anə bə ñwà'ànə aà.

<sup>16</sup> Tâ Mmà'àmbi yí'inə Yesu Kristo, ni Taà yí'inə Nwĩngòŋ yíi mə à le ŋkòŋə yí'inə n̄tsya a nĵim àbòŋəntii yi ndiintə nî ghuu a ŋgòŋ bìnòò b̄tsim, ŋkii ŋghirə ni mə tâ nì ŋka mbe nî ìlòŋ yíi mə i ka yí z̄i aà, <sup>17</sup> tâ à tigə nlə'ətə nî m̄ntii muu, ŋka ŋghirə ni mə tâ m̄ntii muu ka mfi'isə ni m̄ghàà m̄i sigìnə ŋkii mfa'a nî ìnnù ĵi sigìnə.

### 3

#### *N̄i ka ntsatə n̄i Nwí ñwa'atə n̄i yí'i*

<sup>1</sup> A lwí'isə a bilim bi'i, nì ka ntsà'atə n̄i Nwí ñwa'atə n̄i yí'i, mē mbē n̄toò Mmà'àmbi ya i k̄a ñghɛɛ n̄i mb̄i ñka n̄sɛɛnə n̄it̄i, ŋka ŋkwere n̄i n̄gha'a a ajàn yíi mə i le ŋki ŋkwere a titii bù aà. <sup>2</sup> N̄i kii ntsa'atə n̄i Nwí mə tâ à kwere yí'i a mbò ñgǎŋ ab̄i'inti bo bi ñgǎŋghirə ìnnù ĵi b̄i, ñloŋ mə kaa ñù n̄tsim kaa à burə ti ntoo ya bii aà. <sup>3</sup> L̄a Mmà'àmbi a ləə ŋkà'á yí, à ka niŋ m̄it̄i a nu bù i kii be ghuu a mbo ñù mb̄u'u ìnnù ĵi bi w̄a. <sup>4</sup> Mmà'àmbi a ghirə bí'í nan̄sə ñzi a laa mə ni ghirə ŋkii ghɛɛ n̄i mb̄i a ghirə ìnnù ĵii mə bí'i

swonɔ a mbo bù aà. <sup>5</sup> Tá Mmà'àmbi tâ à tsyasə ghuu tâ nì ku'usə nzi àkòŋnə Nwí bo bì àtəŋəntii Kristo.

*Ajàŋ yii mə bǐ'inə tswe nì ŋka mfà'a aà*

<sup>6</sup> Bìlǐm bi'i, bǐ'í swonɔ a mbo bù nì Ʒkǔm Mmà'àmbi Yesu Kristo mə nì ka ntsu'utə bìlǐm bi'inə bǐi mə à nì bǐbwèrə kaa ŋki'ì nì ìnnù jya mə bǐ'í le ndì'ì mbo bo aa yònə aà. <sup>7</sup> Bù bǐmbɔŋ nì zi tsi'í siginə mə nì tswe nì ŋka ŋghìrə ìnnù juu aà tsi'í ajaŋ yii bǐ'í le si ghìrə aà. Nòò wa mə bǐ'inə le ntswe aa, kaa bǐ'í le ŋki'ì bǐbwèrə bə. <sup>8</sup> Kaa bǐ'í le ŋki'í ayoò tsu a mbo nù kwèrə tì twú. Bǐ'í le si bàŋnə mfa'a ŋkii nwuginə, mfa'a nì asi'inə bo bǐ a nítugə, mə mbə bǐ'í tsuu lǒ bə abè'è a nu nù nǐbǔ ghùù. <sup>9</sup> Bǐ'í le si ghìrə ma mùu ajaŋ kaa ki'ì bə aa mə ka bǐ'í le ŋwa'à nì àdà'à tswə a mbetə mə tâ nì diintə yi'i. Bǐ'í le si ghìrə ma mùu ajaŋ aa tâ à bə alènsə a mbo bù mə tâ nì ka nyonə. <sup>10</sup> Nòò wa mə bǐ'inə le ntswe aa, bǐ'í le si swonɔ a mbo bù mə, “Nù yii mə à tùú mfà'a aa, tâ à tsuu kii ki ji.” <sup>11</sup> Bǐ'i swonɔ laà aa nlon mə bǐ'í yu'u mə bǐbwèrə bi tswe a titii bù kaa ki'ì nì ànnù tsu fa'à ntsyatə ŋka ŋghaa nniŋə nì mǐntsú myaa a nì ìnnù bə. <sup>12</sup> Nì Ʒkǔm Mmà'àmbi Yesu Kristo, bǐ'í swonɔ a mbo bə ma bú, ŋwa'asə nì waa mə tâ bo ka mfa'a ifà'á waa nì mǐbɔnə, ŋka mfa'a tâ ki kwèrə ayoò yii mə bo ka ki ji aà. <sup>13</sup> Lá, a mbo bù, bìlǐm bi'i, nì tsuu lǒ kaa a ŋghìrə ànnù yii mə a ku'unə aa bə. <sup>14</sup> Mbə nù yǐ mɔ'ɔ a tswe ghu a titii bù mə kaa à si ntoo yù mə bǐ'i too fàa a mùm àŋwà'ànə yulà aa yu'unə. Mbə a bə maa ajaŋ, nì lènsə yi, ntsuu nì ànnù

a nghìrø bu bo lõ tswè, ta tâ àtû yi â dirø. <sup>15</sup> Lâ tâ nì tsuu yi lõgø tsõ ñgàṅkìbàâ ghùù bê. Tâ nì baṅṅè ñwà'àsè yi tsó ñdîm ghùù.

*Mìghàà mi nlwĩ'isê*

<sup>16</sup> Tâ Mmà'àmbi mbɔɔnø yumbɔṅ à fa mbɔɔnø a mbo bù a ṅgòṅ bìnòò bitsìm, a nì bìmânjì bitsìmè. Tâ Mmà'àmbi tâ à tswè a mbo bù bitsìmè. <sup>17</sup> Tsi'ì nì àbô ya mèmɔṅ, a ṅwà'ànè mè ñṅwa'anə ma mulà mìghàà ntsà'àtə nî ghuu. A nî àjàṅ mə mə san ñṅwà'ànè tsìm aà, ñki mbə ajàṅ mə mə ṅwà'ànè aà. <sup>18</sup> Tâ ìbǒṅ Mmà'àmbi Yesu Kristo tâ ì tswè a mbo bù bitsìmè.



**Bafut**  
**Bafut: N̄toò Kristo yî N̄sigìnè: mìkàà yî mfiì New**  
**Testament**

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2022-10-27

---

PDF generated using Haiola and XeLaTeX on 21 Feb 2024 from source  
files dated 27 Oct 2022

5d039b4a-c9a1-50b1-8a61-176cf48aa271